



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Barbara V. & M. 4. Decembris.

urn:nbn:de:hbz:466:1-44055

Sed nec urbe pulsus à civibus suis animū despondit. Quòd tamen redux alieniorem ab his animum ferret, visus est sibi noctu, cùm inter Divorum Episcoporū comitia locum vellet capeſſere, aditu prohiberi, quòd in veste cetera candidissimā unicam maculam præ pectore gestaret, quam tamen ipsam mox una cum injuriæ memoriâ ex animo delevit. Mortuus est anno M. LXXV. cùm se MARIAE unicè ac ſæpiùs commendasset. Cælum tempe ſubiturus januam hujus pulsabat. Ex Surio.

Tamdiu quisque peccata ſua ignorat, quamdiu curiosè aliena conſiderat: qui ſemetipſum aſpicit, non querit in quo alios frequenter reprehendat, ſed in ſemetiſo, quod lugeat. S. Bern.l.de Inter.domo.

S. BARBARA V. & M. 4. Decembris.

Nullius tam à vitâ nomen abluſit, quām BARBARÆ. Dioscorum habuit parentē Deorum mancipium, ipſa D̄eo addicta. Matura, ob formam, turri incluſa, libertate Christianâ, ſi umquam, eſt uſa. Ter sanctæ enim Triadi devota, ut fidei radii ſplendiū animis illucerent, binis fenestris tertiam ſuperaddidit, balneum verò multâ cruce inſignivit, gnara qui mentibus lavandis ex hâc fontes ſcaturirent. Intereà cum ſtomacho Dioscorus intelligit, filiam Christianam eſſe, & ferro inſequitur. Sed ſinum, quo parens expulerat, mons præbuīt diſclusus. Et lubens theſaurum hic occultaſſet, nî, qui miraculum viderat, innocentem oviculam paſtor nequam prodiſſet. Captam itaque filiam inaudito exemplo ad tribunal pater rapit, cædi virgis viſcera ſua videt, ſanam à Christi manu iterum affligi, quin ubera etiam caſtiſſimæ abſcindi, non facturus, ſi bibiſſet ubera.

ubera. Hinc novus filiæ suæ leno per urbem ludibrio circumduci sustinet unâ verecundiâ tectam. Demum è tyranno carnifex suâ manu non barbaram filiam barbarissimus parens demetit. Sed carnificis carnifex fulmen fuit, quod in eodem loco scelus extinxit. Nunc BARBARA illis è cælo opitulatur, qui, ne sine sacro epulo diem ultimum obeant, orant. Testis ejus rei locuples Stanislaus est sanctissimus è Societate JESV adolescens; quem si æmulabitur, rectè faciet adolescentia.
Ex Baron.

Si quando senseris te ad aliquod cieri peccatum, in mentem revoca nulli mortalium tolerabile Christi iudicium, omnium durissimam pœnam, confusionem semipternam: hoc timore, quasi freno animam tuam, ad vitiosam concupiscentiam proclivem cohibe. Ex Basil. in psal. 33.

S. SABAS ABBAS. 5. Decembris.

Sabam si spectasses, Imperatorem dixisses; ut qui monachorum exercitum non unum ducebatur, viros omnes, quales vultu etiam se ferebant, cum ille imberbem in castra sua neminem admitteret. Sævientis fornacis flamas scribitur crucis signo extinxisse; feras & feris magè feros homines domuisse: Agarenum, qui fallaci animo accesserat, terræ hiatui devovisse: templum, cælo monstrante, in rupe alicubi reperiisse: in genium malum ab ipso Christo armatus depugnasse, ab eodem nunc cibariis, nunc pecuniis donatus. Jam leonem, qui medicam SABÆ manum expertus erat, ajunt asino custodem ducemque ad pascua fuisse tamdiu, quoad agaso luxurie fœdâ se contaminavit, tunc enim devorasse asinum.

Ipsum